

Na osnovu članka 34. i 38. Zakona o izvršavanju Budžeta Federacije Bosne i Hercegovine za 2014. godinu («Službene novine Federacije BiH», broj 99/13) Vlada Federacije Bosne i Hercegovine, na 110. sjednici održanoj 17.4.2014. godine, donosi

ODLUKU

o usvajanju Programa utroška sredstava sa kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2014. godinu Federalnom ministarstvu kulture i sporta - Federalnom ministarstvu kulture i športa

I

Usvajaju se Program i kriteriji raspodjele sredstava tekućih transfera Federalnog ministarstva kulture i sporta - Federalnog ministarstva kulture i športa (u daljnjem tekstu Ministarstva) utvrđenih u razdjelu 52. Proračuna Federacije Bosne i Hercegovine za 2014. godinu («Službene novine Federacije BiH», broj 99/13).

II

Raspodjela sredstava tekućih transfera utvrđenih ovom Odlukom vršit će se u skladu sa općim i posebnim kriterijima.

Opći kriteriji utvrđuju se za svaki transfer posebno, a posebni kriteriji utvrđuju se za svaki transfer posebno ili za svaki pojedinačni program unutar transfera.

III

Raspodjela sredstava tekućih transfera vršit će se za programe i projekte kako slijedi:

1. Transfer za obnovu kulturnog i graditeljskog naslijeđa

Opći kriteriji za raspodjelu sredstava tekućeg transfera

1. Kvalitet kandidiranih projekata/ programa i njihov doprinos podizanju općeg nivoa zaštite nepokretnih i pokretnih dobara u oblastima kulturnog i graditeljskog naslijeđa;
2. Doprinos uspješnom prezentiranju i afirmaciji Bosne i Hercegovine i Federacije Bosne i Hercegovine u svijetu;
3. Ravnomjerna regionalna i nacionalna zastupljenost;
4. Sufinanciranje programa u oblasti zaštite kulturnog i graditeljskog naslijeđa koji su podržani od strane drugih nivoa vlasti i imaju obezbjeđeno sufinanciranje.

Posebni kriteriji za raspodjelu sredstava tekućeg transfera

1. Status nacionalnog spomenika;
2. Nastavak i realizacija započetih projekata;
3. Vrijednost kulturnog dobra (historijska, umjetnička, arhitektonska, kulturna, duhovna, prostorna);

4. Prioritet i neophodnosti radova sukladno sa stanjem objekta;

Broj	Naziv programa	Svrha programa	Organizacija- primalac	Iznos
1.	2	3	4	5
1.	Izrada projekata i izvođenje radova zaštite kulturno - historijskih dobara koja imaju status nacionalnog spomenika	Zaštita objekata kulturne baštine sa statusom nacionalnog spomenika	Vlasnici i korisnici spomenika (pravna lica) zaduženi za realizaciju programa/projekata odabrani putem javnog poziva	570.000,00
2.	Izrada projekata i izvođenje radova za zaštitu stambenih objekata značajne kulturne baštine	Zaštita stambenih objekata značajne kulturne baštine	-Stambeni kompleks Begovina u Stocu, nastavak započetih radova na zaštiti nacionalnog spomenika, odabir izvođača u skladu sa javnim nabavkama	70.000,00
3.	Stručni monitoring objekata kulturne baštine i organizacija manifestacije "Dani evropske baštine"	Zaštita spomeničke baštine na teritoriju FBiH i organizacija manifestacije „Dani evropske baštine“ saradnja s Vijećem Europe, izdavanje publikacije	Nadležna institucija kulture kao nosilac projekta zaštite dobara kulturne baštine u Federaciji BiH	55.000,00
4.	Restauracija, telekiniranje arhivskog filmskog materijala	Zaštita kulturne baštine na teritoriju FBiH	J.P. Filmski centar Sarajevo	15.000,00
5.	Interventna sredstva za provođenje hitnih mjera zaštite, programe, projekte i završetak započetih i ugovorenih radova	Projekti zaštite i obnove kulturne baštine	Korisnici sredstava iz kategorija 1, 2 i 3	110.000,00
UKUPNO:				820.000,00

2. Transfer za kulturu od značaja za Federaciju BiH

Opći kriteriji za raspodjelu sredstava tekućeg transfera su:

1. Kvalitet kandidiranih projekata/programa produkcije, prezentacije i afirmacije kulturnog i umjetničkog stvaralaštva;
2. Doprinos kandidiranih projekata/programa podizanju općeg kulturnog nivoa građana;
3. Doprinos kandidiranih projekata/programa u stvaranju jednakih prava, mogućnosti učešća i pristupa u oblasti kulture svima bez obzira na spol;
4. Kontinuiranost projekta i njegova tradicijska osnova (projektne aktivnosti koje imaju dugoročni učinak i održivost);
5. Regionalna i nacionalna zastupljenost;
6. Doprinos angažiranju i afirmaciji mladih u oblasti kulture;
7. Visina procenata ulaganja u program/projekat od strane drugih nivoa vlasti, inozemnih ili domaćih partnera u kreiranju i realiziranju programa/projekata te sačinjeni predugovori.

Posebni kriteriji za raspodjelu programa: Potpora manifestacijama, programima i projektima kulture od posebnog značaja za FBiH i BiH od internacionalnog značaja, u okviru tekućeg transfera su:

1. Značaj koji projekti i programi imaju u pogledu predstavljanja Federacije BiH i BiH kao eminentne kulturne sredine;
2. Programi koji obezbjeđuju kontinuitet produkcije internacionalno prihvaćenih umjetničkih dometa;
3. Značaj koji produkcija ima u razvoju kulture i umjetnosti u internacionalnim okvirima;
4. Projekti koji prezentiraju i promoviraju kulturu i umjetnost drugih naroda, odnosno, projekti koji jasno ističu značaj međunarodne kulturne suradnje;
5. Broj učesnika i posjetilaca koji su obuhvaćeni projektom/programom (domaći i inozemni učesnici i gosti);
6. Projekti koji podržavaju razmjenu i mobilnost umjetnika i umjetničkih djela visokog kvaliteta;
7. Projekti koji podržavaju promoviranje ravnopravnosti spolova u oblasti kulture;
8. Obezbjeđivanje kontinuiteta manifestacija od posebnog značaja za ugled FBiH i BiH kao eminentne kulturne sredine u regionu i svijetu;
9. Manifestacije koje podržavaju koprodukciju umjetničkih djela visokog kvaliteta.

Posebni kriteriji za raspodjelu programa: Potpora manifestacijama, programima i projektima kulture od značaja za FBiH, u okviru tekućeg transfera su:

1. Značaj projekta/manifestacije, originalnost i njegov doprinos promoviranju i afirmiranju bh. kulturnog stvaralaštva i pristupa kulturi u Federaciji BiH;

2. Značaj programa za očuvanje i unapređenje kulturnog identiteta, kulturnog naslijeđa i kulturnog razvoja Federacije BiH;
3. Projekti koji podržavaju promoviranje ravnopravnosti spolova u oblasti kulture
4. Projekti koji potiču aktivno učešće i afirmiranje mladih umjetnika i stvaralaca;
5. Broj učesnika(aktivnih i pasivnih)koji su obuhvaćeni projektom/programom;
6. Obezbjedivanje kontinuiteta manifestacija od posebnog značaja za ugled Federacije BiH kao eminentno kulturne sredine.

Broj	Naziv programa	Svrha programa	Organizacija-primalac	Iznos
1.	2	3	4	5
1.	Manifestacije, programi i projekti kulture od značaja za Federaciju Bosne i Hercegovine	Podrška manifestacijama, programima i projektima kulture od posebnog značaja za Federaciju Bosne i Hercegovine i BiH od internacionalnog značaja	Kulturne institucije, organizacije, asocijacije i udruženja odabrani putem javnog poziva	990.000,00
		Podrška manifestacijama programima i projektima kulture od značaja za Federaciju Bosne i Hercegovine	Kulturne institucije, organizacije, asocijacije i udruženja odabrani putem javnog poziva	345.000,00
2.	Programi međunarodne saradnje i organizacija manifestacije "Dani evropske baštine"	Organizacija manifestacije "Dani evropske baštine", saradnja s Vijećem Europe.	Institucije kulture kao nosioci projekata zaštite dobara kulturne baštine u Federaciji BiH	15.000,00
3.	Interventna sredstva za programe kulture od značaja za FBiH	Podrška programima kulture od značaja za Federaciju BiH	Korisnici sredstava iz kategorije 1 i 2	200.000,00
UKUPNO :				1.550.000,00

3. Transfer za udruženja građana i organizacija u oblasti kulture

Opći kriteriji za raspodjelu sredstava tekućeg transfera su:

1. Kvalitet kandidiranih projekata/programa i afirmacija kulturnog i umjetničkog stvaralaštva;
2. Doprinos kandidiranih projekata/programa podizanju općeg kulturnog nivoa građana u lokalnoj zajednici i društvu;
3. Potvrđen status i značaj kandidiranog projekta;
4. Doprinos kandidiranih projekata/programa stvaranju jednakih prava, mogućnosti učešća i pristupa u oblasti kulture svima bez obzira na spol
5. Regionalna i nacionalna zastupljenost;
6. Doprinos angažiranju i afirmaciji mladih u oblasti kulture;
7. Doprinos jačanju nacionalne i vjerske tolerancije;

Posebni kriteriji za raspodjelu sredstava tekućeg transfera su:

1. Interes kulturne javnosti, značaj za kulturni život lokalne zajednice i društva;
2. Značaj programa na domaćem i međunarodnom planu;
3. Poticanje razmjene, realizacija u kooperaciji ili koprodukciji;
4. Samoodrživost programa i projekata;
5. Broj aktivnih učesnika u projektu, naročito potvrđenih stručnjaka iz oblasti koju program/projekat predstavlja;
6. Kontinuitet kvalitetnog rada udruženja ili organizacije, priznanja i nagrade za dosadašnji rad;
7. Doprinos reafirmaciji i stvaranju autentične kulturno-historijske baštine Bosne i Hercegovine.
8. Doprinos promoviranju principa ravnopravnosti spolova u radu udruga i organizacija iz oblasti kulture.

Broj	Naziv programa	Svrha programa	Organizacija-primalac	Iznos
1.	2	3	4	5
1.	Potpoma projektima udruženja i organizacija u oblasti kulture	Potpoma manifestacijama, programima i projektima u oblasti kulture	Kulturne institucije, organizacije, asocijacije i udruženja odabrani putem javnog poziva	300.000,00
2.	Interventna sredstva za programe udruženja i organizacija u oblasti kulture	Potpoma manifestacijama, programima i projektima u oblasti kulture	Korisnici sredstava iz kategorije 1	60.000,00
UKUPNO :				360.000,00

4. Transfer za sport od značaja za Federaciju BiH

Opći kriteriji za raspodjelu sredstava tekućeg transfera su:

1. Kvalitet kandidiranih programa/projekata;
2. Dugogodišnji kontinuitet i značaj programa/projekata;
3. Doprinos popularizaciji i razvitku sporta;
4. Doprinos postizanju vrhunskih sportskih rezultata;
5. Doprinos omasovljavanju profesionalnog/amaterskog sporta;
6. Doprinos ostvarivanju jednakih prava, mogućnosti učešća i pristupa u oblasti sporta svima bez obzira na spol,
7. Značaj projekta za afirmaciju i edukaciju mladih s ciljem razvoja sporta;

Posebni kriteriji za raspodjelu programa: Sufinanciranje izgradnje, rekonstrukcije i opremanja sportskih objekata, u okviru tekućeg transfera su:

1. Značaj sportskog objekta za razvoj sporta i stvaranje uvjeta za sportsko-rekreativne aktivnosti i vrhunski sport;
2. Stanje objekta i neophodnost radova;
3. Obim korištenja objekta i broj korisnika;
4. Sportski objekat od općeg interesa u lokalnim zajednicama i šire.

Posebni kriteriji za raspodjelu programa: Sufinanciranje sportskih manifestacija koje se organiziraju u Federaciji BiH, i sufinanciranje sportskih manifestacija na zvaničnim međunarodnim takmičenjima, u okviru tekućeg transfera su:

1. Potpora manifestacijama i takmičenjima od posebnog interesa za FBiH;
2. Kontinuitet i značaj manifestacije s ciljem razvoja sporta;
3. Tradicionalne sportske manifestacije koje doprinose popularizaciji sporta u FBiH;
4. Potpora manifestacijama i takmičenjima od posebnog interesa za FBiH uz uvažavanje ravnopravnosti spolova
5. Podrška projektima koji doprinose podizanju kvaliteta i razvoja sporta u FBiH;
6. Obezbjedenje kontinuiteta sportskih manifestacija od posebnog značaja za ugled FBiH.
7. Podpor projektima koji doprinose promociji vrhunskog sporta na zvaničnim međunarodnim takmičenjima;
8. Potpora projektima koji obezbjeđuju podsticanje vrhunskih sportskih rezultata;
9. Značaj projekta za razvoj sporta;
10. Značaj projekta za popularizaciju i afirmaciju sportskih ekipa na međunarodnom nivou.

Posebni kriteriji za raspodjelu programa: Nabavka sportske opreme za vaspitno-obrazovne, razvojne i edukacione programe u sportu za mlade, u okviru tekućeg transfera su:

1. Potpora sportskim ekipama s ciljem obezbjeđivanja uvjeta za razvoj amaterskog sporta;
2. Potpora projektima koji doprinose popularizaciji i razvoju sporta kod žena i djevojčica
3. Potpora projektima koji doprinose popularizaciji i razvoju sporta kod mladih;
4. Stvaranje uvjeta za razvoj sporta u FBiH;
5. Unapređenje rada sa mladim sportistima s ciljem postizanja vrhunskih sportskih rezultata.

Posebni kriteriji za raspodjelu programa: Djelatnosti sportskih saveza konstituiranih na nivou BiH i FBiH, u okviru tekućeg transfera su:

1. Podrška radu sporskih saveza s ciljem učestvovanja na međunarodnim takmičenjima;
2. Postignuti sportski rezultati u prethodnoj takmičarskoj sezoni;
3. Značaj projekta u promoviranju i predstavljanju BiH na međunarodnim sportskim takmičenjima;
4. Stvaranje uvjeta za podizanje kvalitete sporta, sportskih rezultata BiH uz uvažavanje ravnopravnosti spolova

Posebni kriteriji za raspodjelu programa: Sufinansiranje sportskih manifestacija i klubova u oblasti invalidskog sporta, u okviru tekućeg transfera su:

1. Kontinuitet i značaj manifestacije s ciljem razvoja invalidskog sporta;
2. Podrška projektima koji obezbjeđuju podsticanje vrhunskih sportskih rezultata u invalidskom sportu;
3. Podrška projektima koji promoviraju veće učešće žena i djevojčica u invalidskom sportu
4. Značaj projekta za popularizaciju i afirmaciju sportskih ekipa na međunarodnom nivou;
5. Podrška projektima koji obezbjeđuju podsticanje vrhunskih sportskih rezultata.

BR.	Naziv programa	Svrha programa	Organizacija-primalac	Iznos
1	2	3	4	5
1.	Sufinanciranje izgradnje, rekonstrukcije i opremanja sportskih objekata	Podrška izgradnji, rekonstrukciji i opremanju sportskih objekata s ciljem stvaranja preduvjeta za razvoj sporta i	Sportske organizacije, asocijacije, institucije, klubovi, savezi i udruženja odabrani putem Javnog poziva	550.000,00

		rekreacije građana		
2.	Sufinanciranje sportskih manifestacija koje se organiziraju u Federaciji BiH i sufinanciranje sportskih manifestacija na zvaničnim međunarodnim takmičenjima	Pomoć sportskim organizacijama i asocijacijama u organizaciji sportskih manifestacija, koje doprinose popularizaciji i razvoju sporta u Federaciji BiH i podrška učešću klubova iz Federacije BiH na zvaničnim međunarodnim takmičenjima, KUP-ovi, šampiona Evrope itd.	Sportske organizacije, asocijacije, institucije, klubovi, savezi i udruženja odabrani putem Javnog poziva	345.000,00
3.	Nabavka sportske opreme za vaspitno-obrazovne, razvojne i edukacione programe u sportu za mlade	Podrška vaspitnim i edukacionim programima koji doprinose očuvanju zdravlja i vaspitanja mladih	Klubovi, sportski savezi, škole i institucije u oblasti sporta i obrazovanja odabrani putem Javnog poziva	80.000,00
4.	Djelatnosti sportskih saveza konstituiranih na nivou BiH i FBiH	Podrška aktivnostima sportskih saveza	Sportski savezi registrirani na nivou BiH i FBiH, odabrani putem Javnog poziva	200.000,00
5.	Sufinanciranje sportskih manifestacija i klubova u oblasti invalidskog sporta	Pomoć sportskim organizacijama i asocijacijama u organizaciji sportskih manifestacija, koje doprinose popularizaciji i razvoju invalidskog sporta u Federaciji BiH	Sportske organizacije, asocijacije, institucije, klubovi, savezi i udruženja u oblasti invalidskog sporta odabrani putem Javnog poziva	30.000,00
6.	Nagrađivanje sportista u skladu sa Uredbom o određivanju	Nagrađivanje sportista za ostvarene sportske rezultate	Sportska udruženja, sportski radnici i sportisti koji ostvare vrhunske sportske	100.000,00

	kriterija za dodjeljivanje nagrade sportistima, sportskim radnicima i sportskim udruženjima iz FBiH za ostvarene sportske rezultate na međunarodnim takmičenjima		rezultate	
7.	Učešće reprezentativaca BiH na Zimski olimpijskim igrama Soshi 2014 i Ljetnim olimpijskim igrama mladih Nanjing 2014	Podrška odlasku reprezentativaca BiH na Zimske olimpijske igre Soshi 2014 i Ljetne olimpijske igre mladih Nanjing 2014	Olimpijski komitet BiH	40.000,00
8.	Učešće sportista invalida na Zimskim parolimpijskim igrama Soshi 2014	Podrška odlasku paraolimpijaca BiH na Zimske paraolimpijske igre Soshi 2014	Paraolimpijski komitet BiH	15.000,00
9.	Interventna sredstva rezerve za projekte i programe u oblasti sporta	Podrška programima i projektima u oblasti sporta	Korisnici sredstava iz kategorija od 1do 9	110.000,00
UKUPNO :				1.470.000,00

5. Transfer za mlade

Opći kriteriji za raspodjelu sredstava tekućeg transfera su:

1. Kvalitet kandidiranih programa/projekata;
2. Značaj projekta za mlade u Federaciji BiH;
3. Doprinos popularizaciji i razvoju omladinskog aktivizma;
4. Doprinos ostvarivanju principa ravnopravnosti spolova kroz kreiranje programa/projekata i očekivanih rezultata
5. Regionalna i nacionalna zastupljenost;
6. Doprinos unapređenju položaja mladih u Federaciji BiH;

Posebni kriteriji za raspodjelu programa: Istraživanje, formiranje i promoviranje politika prema mladima u FBiH, u okviru tekućeg transfera su:

1. Obim, kvalitet i struktura istraživanja;
2. Uključenost principa ravnopravnosti spolova,
3. Reference aplikanta i dosadašnje iskustvo u radu s mladima;
4. Stručnost lica angažiranih na projektu;
5. Vremenski rok provođenja aktivnosti;
6. Osigurano partnerstvo s drugim nivoima vlasti i međunarodnim organizacijama;
7. Učinci projekta za mlade u Federaciji BiH.

Posebni kriteriji za raspodjelu programa Podrška projektima omladinskih organizacija, u okviru tekućeg transfera su:

1. Kvalitet projekta/programa;
2. Broj učesnika (direktnih/indirektnih) koji su uključeni u projekat,
3. Značaj projekta za veću društvenu uključenost mladih u život lokalne zajednice;
4. Jačanje kapaciteta omladinskih organizacija s ciljem formiranja Vijeća mladih FBiH;
5. Izgradnja i jačanje razvoja sposobnosti kod mladih.

Broj	Naziv programa	Svrha programa	Organizacija-primalac	Iznos
1.	2	3	4	5
1.	Istraživanje, formiranje i promoviranje politika prema mladima u FBiH	Harmoniziranje politika FBiH prema mladim; jačanje organizacionih kapaciteta nosioca omladinske politike u FBiH, i njihovo promoviranje među mladima	Institucije, organizacije, asocijacije i udruženja odabrani putem javnog poziva	30.000,00
2.	Podrška projektima omladinskih organizacija	Institucionalno jačanje i povezivanje omladinskih udruženja; poboljšanje položaja	Institucije, organizacije, asocijacije i udruženja odabrani putem javnog poziva	100.000,00

		mladih		
3.	Podrška projektima mladih u okviru programa "Omladinske banke"	Učešće u programu "Omladinske banke" koju provodi Fondacija Mozaik u suradnji sa USIAD-om i lokalnim zajednicama	Fondacija Mozaik	50.000,00
4.	Interventna sredstva za programe udruženja omladinskih organizacija	Podrška programima i projektima vezanim za mlade	Korisnici sredstava iz kategorija 1 i 2	20.000,00
U K U P N O :				200.000,00

IV

Sredstva iz točke III podtočka 1. pod rednim brojem 1, točke III. podtočka 2. pod rednim brojem 1, točke III podtočka 3. pod rednim brojem 1, iz točke III podtočka 4. pod rednim br. 1, 2, 3, 4 i 5, kao i iz točke III podtočka 5. pod rednim brojem 1 i 2 ove Odluke, dodijelit će se na osnovu javnog poziva kojeg raspisuje federalni ministar kulture i sporta.

V

Sukladno sa ovom Odlukom, pojedinačne odluke o dodjeli sredstava korisnicima u svim navedenim transferima, donosi federalni ministar kulture i sporta.

VI

Korisnici sredstava su obavezni da dodijeljena sredstva koriste namjenski i da dostave izvješće sa kompletnom dokumentacijom kojom se dokazuje namjenski utrošak sredstava u roku od 15 dana od dana završetka projekta/programa. Izvješća obavezno sadržavaju i gender analizu krajnjih korisnika/ica ovih sredstava.

Ukoliko u godini u kojoj su sredstva odobrena, sva odobrena sredstva ne budu utrošena, korisnik sredstava dostavlja izvještaj o utrošku dijela sredstava i kopiju izvoda iz banke kojom se potvrđuje da preostala sredstva nisu utrošena, i to do 15.01. naredne godine.

VII

Komisija Ministarstva za nadzor nad namjenskim utroškom sredstava, vršit će kontrolu namjenskog utroška odobrenih sredstava korisnicima.

Komisija će kontrolu vršiti na osnovu dostavljenih izvještaja od strane korisnika, a po potrebi, i neposredno kod korisnika sredstava.

VIII

Za realiziranje ove odluke zadužuje se Federalno ministarstvo kulture i sporta - Federalno ministarstvo kulture i športa i Federalno ministarstvo finansija - Federalno ministarstvo financija, svako u okviru svoje nadležnosti.

IX

Ova Odluka stupa na snagu narednog dana od dana objavljivanja u «Službenim novinama Federacije BiH».

V. broj 717/2014
17.4.2014. godine
Sarajevo

PREMIJER
Nermin Nikšić